

ՀԱՅ-ԲՅՈՒՋԱՆԴԱԿԱՆ ԴԱՇԻՆՔԸ ՊԱՐՍԿԱՍՏԱՆԻ ԴԵՄ (VI դար)

Վ. Կ. ԻՍԿԱՆՅԱՆ

Պարսկաստանի դեմ Արևելյան Հայաստանի ապստամբության և պարսկա-բյուզանդական պատերազմի (572—590) առաջացման գործում կարևոր դեր է խաղացել հայ-բյուզանդական դաշինքը, որից թեև մեծ չափով շահել է կայսրությունը, բայց այն միանգամայն կորստաբեր է եղել հայ ժողովրդի համար։ Պատերազմը, որը տևել է զրեթե երկու տասնամյակ, անթիվ զոհեր է խլել և անչուր ավերածություններ գործել Հայաստանում, ծանր հետևանքներ թողնելով երկրի պատմական բախտի վրա։

Հուստինիանոս կայսրը (527—565) ծանր ժառանգություն էր թողել իր հաջորդներին՝ ընդարձակ սահմաններով մի երկիր, բայց ֆինանսական ու ռազմական տեսակետից ուժասպառ եղած մի պետություն, որը գտնվում էր սնանկացման և կործանման եզրին¹։ Նրա հաջորդ Հուստինոս Բ-ն (565—578), ստիպված հրաժարվեց արտաքին թշնամիներից դրամով փրկագնվելու իր նախորդի քաղաքականությունից և դադարեցրեց դրամական նպաստի վճարումը պարսիկներին, արաբներին, ավարներին և հոններին։ Սակայն դա չթեթևացրեց Բյուզանդիայի դրությունը ոչ Արևմուտքում և ոչ էլ Արևելքում։ Այստեղ խիստ սրվում են հակասությունները Պարսկաստանի հետ զլխավորապես այն պատճառով, որ կայսրությունը որոշում է պարսիկներին այլևս չվճարել 562 թ. պայմանագրով նախատեսված ամենամյա 500 լիտր ոսկին²։ Անխուսափելի է դառնում պատերազմը։ Իայց կայսրությունը, զուրկ լինելով անհրաժեշտ քանակի զինվորական ուժերից, գործի է դնում իր փորձված դիվանագիտությունը և Պարսկաստանի հարևան ու թշնամի ժողովուրդներից նրա դեմ կազմակերպում հարձակողական մի ընդհանուր ճակատ։

Կայսրության կազմած ժրագրի համաձայն Պարսկաստանը ջախջախվելու էր Միջին Ասիայից՝ թուրքերի և արևմուտքից՝ բյուզանդական ուժերի հարձակումից³։ Թուրք հորդանները իրոք վիթխարի ուժ էին, բայց Բյուզանդիան չուներ անհրաժեշտ քանակի բանակ։ Ուստի նա նախատեսում է իր զինվորական ուժերի պակասը լրացնել պարսիկներին դեմ պատերազմին մասնակից դարձնելով անդրկովկասյան ժողովուրդներին, մասնավորապես հայերին։ Ահա թե

¹ Ф. И. Успенский, История Византийской империи, т. 1, ч. 2, էջ 608, М. В. Левченко, История Византии, М.—Л., 1940, էջ 100, Н. Пигулевская, Византия и Иран на рубеже VI—VII веков, М.—Л., 1946, էջ 58.

² Theophylacti Simocattae, Historia, Bonnae, 1834, էջ 133, Տե՛ս նաև Theophanio, Chronographia, t. 1, Bonnae, 1839, էջ 373.

³ Менаандр Византиец (см. «Византийские историки», СПб. 1860), էջ 398—399.

ինչու կայսրությունը դաշնակցում է Պարսկաստանի դեմ ապստամբություն նախապատրաստող հայերի հետ:

Բյուզանդիան այդ ժամանակ Արևելյան Հայաստանում պարսիկների դեմ ձգտում է օգտագործել իր համար խիստ կարևոր երկու հանգամանք՝ տերիտորիա, մոմենտը և ազատագրական շարժումը: Հայտնի է, թե Հայաստանը ստրատեգիական, տնտեսական ու քաղաքական ինչ հսկայական նշանակություն է ունեցել Բյուզանդիայի և Պարսկաստանի համար: Կայսրությունը, սակայն տվյալ շրջանում պարսիկների դեմ ավելի շատ ձգտում էր օգտագործել հայերի նոր ապստամբությունը: Դրա ապացույց է այն փաստը, որ հետագայում պարսիկների հետ վարած հաշտության բանակցություններում բյուզանդացիները հաճախ համաձայնվում են նրանց վերադարձնել Արևելյան Հայաստանն ու Իրերիան, պայմանով, որ Պարսկաստանը հրաժարվի իրենց նկատմամբ ունեցած դրամական պահանջներից⁴: Հայաստանի և Վրաստանի մշտատե գրավումը այդ ժամանակ դուրս է եղել կայսրության քաղաքականությունից⁵: Սպառնալուզ գրավել Արևելյան Հայաստանը, Բյուզանդիան նպատակ է ունեցել ստիպել Պարսկաստանին հրաժարվելու իրենից գանձվող ամենամյա դրամից: Նա իր շահերից բխող այս կարևոր խնդրին էլ ծառայեցրել է հայ-բյուզանդական դաշինքը: Կայսրությունն իր գործակալների միջոցով նախօրոք ստույգ ու անհրաժեշտ տվյալներ էր հավաքել այն մասին, որ պատերազմի դեպքում Պարսկաստանի դեմ դուրս կգան նրան հարևան ու թշնամի շատ ժողովուրդներ, այդ թվում պարսիկներին հպատակ հայերը⁶:

Արևելյան Հայաստանում Սուրեն մարզպանի (564—572) օրոք նորից սաստկացել էին պարսկական ճնշումները, անխուսափելի դարձնելով ապստամբությունը: Բայց շարժման ղեկավար նախարարները, ինչպես նախորդ ելույթների ժամանակ, գտնում էին, որ հզոր Սասանյան Պարսկաստանի դեմ անհրաժեշտ էր ստանալ նաև որևէ այլ պետության պաշտպանությունը: Այդպիսի պայմաններում հայերը սովորաբար կողմնորոշվել են դեպի Բյուզանդիա, և հավատի ընդհանրությունը՝ քրիստոնեությունը, դարձել է կռապաշտ պարսիկների դեմ հայ-բյուզանդական դաշնակցության գաղափարական հիմնավորման միջոց: Հուստինոս Բ-ն, ինչպես վկայում է պատմիչը, հայերին դուրս տված իր պաշտպանությունը պատճառաբանում էր նրանով, որ նրանք «իր դավանակիցներն» են⁷: Նույն կայսրը, սակայն, Պարսկաստանի դեմ դաշնակցել էր նաև թուրքերի, արաբների ու հարեշների հետ, որոնք ոչ մի առնչություն չունեին քրիստոնեության հետ: Իժմախտաբար, դեռ այսօր էլ ոմանք շատումնալուծ են միամտորեն կարծել, թե կայսրությունը հայերին պաշտպանել է հենց նրա համար, որ նրանք քրիստոնյաներ էին: Կայսրության ամբողջ մերձավորարևելյան քաղաքականությունը, այդ թվում նաև Հայաստանի նկատմամբ վարած քաղաքականությունը, իրականում բխում էր բյուզանդական տիրող ֆեոդալական դասակարգի շահերից. որին փաստորեն ծառայեցվում էին հայերի կրոնական ընդհանրությունն ու ազատագրական շարժումը:

⁴ Менаандр Византиец, гл. 427, 429, 440.

⁵ Վ. Գյուտտերբերգ, Բյուզանդիոն և Պարսկաստան, Վիեննա, 1911, էջ 152:

⁶ Ф. И. Успенский. История Византийской империи, т. 1, ч. 2, гл. 623.

⁷ Менаандр, гл. 404.

⁸ Ն. Ակիսյան, Նդիշե վարդապետ և յուր պատմությունը Հայոց պատերազմի, մաս Դ, Վիեննա, 1960, էջ 303, և այլն:

Պարսկաստանին ռազմական ուժով Մերձավոր Արևելքում կարող էր հակադրվել նրա դարավոր թշնամի բյուզանդիան։ Հենց այս հանգամանքն էլ հարկադրել է հայերին դիմելու կայսրության օգնությանը։ Վերջինս դեմ չէր դաշնակցել հայերի հետ, քանի որ մտադիր էր խախտել 562 թ. պայմանագիրը։

Արևելյան Հայաստանի ոչ բոլոր հասարակական խավերն ու նախարարական իշխանություններն էին կողմնակից բյուզանդիայի հետ դաշինքին։ Հայտնի է, որ ապստամբության նախօրյակին Սյունիքն անջատվում է Հայաստանից։ Նրա իշխան Վահանը խոսքով արքայի թույլտվությամբ իր հարկամատյանը Դվինից փոխադրում է Փայտակարան և ենթարկվում Ատրպատականի մարզպանին⁹։ V դարից մինչև VI դարի վերջին քառորդը Սյունիքի նախարարական տունը հանդիսացել է Հայաստանում առաջացած պարսկական կուսակցության ուժեղ ներկայացուցիչը, շատ մոտ պարսկական արքունիքին ու սաստիկ պարսկասեր¹⁰։ Այստեղից էլ հասկանալի է Սյունիքի հակաբյուզանդական կողմնորոշումը և թշնամանքը դեպի նախապատրաստվող ապստամբությունը, որն ուղղված էր Պարսկաստանի դեմ¹¹։

Հովհաննես Եփեսացու ասելով, պարսիկների դեմ ապստամբել և բյուզանդիայի կողմն էր անցել հայկական մի մարզ, որի բնակչության քանակը հավասար էր 20 հազար մարդու¹²։ Թե որքանով է ստույգ այս տվյալը, չենք կարող ասել այլ աղբյուրներում ապստամբների քանակի մասին տեղեկություն չունենալու պատճառով։ Այնուամենայնիվ, պատմիչի այդ վկայությունից երևում է, որ Արևելյան Հայաստանի ոչ բոլոր նախարարներն են միացել հայբյուզանդական դաշինքին ու ապստամբությանը, կամ շուտով, բացահայտելույթի ժամանակ, արդեն նրանց մի մասը երես է դարձրել շարժումից։ Լեյբյուրների նման և այլ կարգի փաստերը հիմք են տալիս եզրակացնելու, որ այդ ժամանակ աշխարհիկ և եկեղեցական հայ ֆեոդալական խավերի մեջ գոյություն են ունեցել բյուզանդական և պարսկական կողմնորոշման խմբավորումներ։ Բյուզանդիայի կողմից Հայաստանում զանազան պարգևների, աստիճանների ու արտոնությունների բաշխումը մի կարևոր միջոց էր սիրաշահելու երկրում կայսրության հենարան կազմող և Պարսկաստանին թշնամի հայ ֆեոդալական շրջաններին¹³։ Վերջիններս էլ կազմակերպել են ապստամբությունը և երկիրը կողմնորոշել դեպի բյուզանդիա։ Նրանք, օգտվելով պարսկա-բյուզանդական սրված հակասություններից, բնակչությունների համար պատվիրակություն են ուղարկում Կ. Պոլիս Հուստինոս Բ կայսեր մոտ։ Հայ-բյուզանդական մերձեցման գործում, անկասկած, խոշոր դեր է խաղացել Հուստինիանոս կայսեր ազգական Գերմանոսի որդի Հուստինիանոսը, որը կայսրության արևելյան զորահրամանատարն էր (magister militum per Orientem)։

⁹ Ս ե բ ե ո ս, Պատմութիւն, Երևան, 1939, էջ 27։

¹⁰ Տե՛ս Լ ե ո, Հայոց պատմություն, հատ. Բ, Երևան, 1947, էջ 51, 53, 58։

¹¹ Հայտնի է, որ մարզպան Սուրենի սպանությունից հետո, նախարարների ապստամբության և Պարսկաստանի դեմ մղած պատերազմի ժամանակ Սյունիքի իշխան Փիլիպպոսը զորքով արշավում է Հայաստան և պատերազմում հայ-բյուզանդական միացյալ ուժերի դեմ (Տե՛ս Ս ե բ ե ո ս, էջ 30)։ Այս դեպքը ևս ցույց է տալիս, որ Սյունիքի անջատվելը Սուրենի մարզպանի գործունեությամբ պայմանավորված չի եղել։

¹² Տե՛ս Н. В. Пигулевская, Сирийские источники по истории народов СССР, Москва—Ленинград, 1941, էջ 113, 130։

¹³ Նույն տեղում, էջ 93։

և նստում էր Արևմտյան Հայաստանի սահմանում գտնվող Թեոդոսուպոլիս քաղաքում: Նա կատարել է յուրատեսակ միջնորդի դեր Արևելյան Հայաստանի նախարարների և բյուզանդական արքունիքի միջև տեղի ունեցող հարաբերություններում¹⁴: Պատահական չէ, որ Վարդան Մամիկոնյանը սպանված պարսիկ մարդպան Սուրենի գլուխն անմիջապես ուղարկում է Հուստինիանոսին¹⁵: Մարդպանի գլխատումը իրականում ազդարարում էր հայերի ապստամբության սկսվելը և պարտավորեցնում կայսրությանը գործողության մեջ գնելու նախօրոք կնքված հայ-բյուզանդական պայմանագիրը:

Հայ-բյուզանդական դաշինքի նախապատրաստական աշխատանքի մասին վկայում է նաև նվագորդ Հայերը, գրում է նա, ճնշվելով պարսիկներից, «ղաղտնի դեսպաններ ուղարկեցին Հուստինիոսի մոտ», որը երբ ընդունեց նրանց խնդրանքը, այն ժամանակ նրանք ապստամբեցին ու սպառնեցին պարսիկներին¹⁶: Այստեղից պարզ երևում է, որ Կ. Պոլսում հայ-բյուզանդական բանակցությունները տեղի են ունենում ապստամբության նախօրյակին, հավանաբար հայերի նախաձեռնությամբ, որովհետև Նրիգոր Տուրացին ևս վկայում է, որ իրենք՝ պարսկահայերը եկան Հուստինոս կայսեր մոտ, «խնդրելու նրա բարեկամությունը»¹⁷: Այդ դեսպանությունը դրով և ընծաներով Հուստինոս կայսեր մոտ է ուղարկել Վարդան Մամիկոնյանը այն բանից հետո, երբ մարդպան Սուրենը սպանել էր իր Մանվել եղբորը¹⁸: Նա, անշուշտ, տեղյակ է եղել թուրք-բյուզանդական դաշինքին:

Կ. Պոլսում բանակցություններն ավարտվել են նրանով, որ կնքվել է հայ-բյուզանդական դաշինք, որի մասին աղբյուրներում կան հավաստի տեղեկություններ: Դեպքերին ժամանակակից պատմիչ Հովհաննես էպիփանեցին, խոսելով բյուզանդացիների կողմից պարսիկների հանդեպ առաջադրած մեղադրանքների մասին, ասում է. «Մարերը (պարսիկները—Վ. Ի.) ևս պատերազմի հանցանքը զնում էին հուռումների վրա, մեղադրելով նրանում, որ նրանք իրենց հարկատու հայերին, որոնք ուղում էին անջատվել իրենցից և սպանել էին իրենց զորահրամանատար Սուրենին, ընդունեցին իրենց մոտ և նրանց հետ կնքեցին դաշինք»¹⁹: Հայ-բյուզանդական դադարի դաշինքի գոյության փաստը հաստատում է նաև Հովհաննես Բիկլարեցին²⁰:

Արևելյան Հայաստանի և Բյուզանդիայի միջև համագործակցության հաստատման մասին այլ կերպ է հաղորդում Նվագորդ: Հուստինոս կայսրը, նրա տեսլով, համաձայնվեց իր մոտ ուղարկված հայ դեսպանության խնդրանքին և «ընդունելով իրեն ուղղված գրության մեջ շարադրված մի քանի պայմանները, աստատեց դրանք ահավոր երդումներով»²¹: Սերևոսը բառացիորեն նույնն է ասում, ինչ Նվագորդն ու էպիփանեցին. «Իսկ առ Հայոց,—գրում է նա,—երդ-

¹⁴ E. Stein, Studien zur Geschichte des byzantinischen Reiches, Stuttgart, 1919, էջ 22:

¹⁵ Иоанн Ефесский, էջ 11:

¹⁶ Евар, Церковная история, Петербург, 1853, էջ 256:

¹⁷ Gr. Turonensis, Historia Francorum, ed. W. Arndt, Hannover, 1884 (Monum. Germ. Hist. script. rer. Meroving. 1), էջ 174:

¹⁸ Մ. Չամչյան, Պատմութիւն Հայոց, հատ. Բ, էջ 284:

¹⁹ Historici graeci minores*, ed. L. Dindorfius, հատ. I, Lipsiae, 1870, էջ 377—378:

²⁰ „Monumenta Germaniae historica“, t. XI, էջ 211—212:

²¹ Евар, էջ 256:

նույր թագաւորն Յունաց և հաստատէր... ուխտ»²²։ Սերեոսի մոտ ևս հայ-բյուզանդական դաշինքի հաստատումը նախորդում է հայերի բացահայտ ապստամբութեանը, որովհետեւ, ըստ նրա, հայերը կայսեր հետ «ուխտ» կնքելուց հետո ևն նշաւից քաշուց օժանդակ զորք և գրավել Ռփինը²³։ Հովհաննէս էպիփանեցու վկայութիւնից այնպէս է հասկացվում, որ հայ-բյուզանդական դաշինքի կազմը տեղի է ունեցել Սուրեն մարդպանի սպանութիւնից և ապստամբ հայերի Կ. Պոլիս գնալուց հետո։ Գրիգոր Տուրացին ևս հաղորդում է, որ հայերը կայսեր բարեկամութիւնն են խնդրել այն ժամանակ, երբ սպանել են պարսից արքայի կողմից Հայաստան ուղարկված և կրոնական բռնադատութիւն դործադրած պատվիրակութեանը։ «Իսկ Հուստինոս կայսեր մոտ, — ասում է պատմիչը. — եկան պարսկահայեր, բերելով մեծ քանակությամբ մետաքսյա գործվածքեղեն, խնդրելու նրա բարեկամութիւնը և պատմեցին իրենց տուելութեան մասին պարսկական արքայի դեմ»²⁴։

Այսպիսով, ըստ Նվազրի և Սերեոսի, հայ-բյուզանդական դաշինքի կրնորումը տեղի է ունեցել մինչև ապստամբութիւնը, իսկ ըստ էպիփանեցու և Գրիգոր Տուրացու ապստամբ հայերի կայսրութեան կողմը անցնելու ժամանակ։ Մեր կարծիքով պետք է տարբերութիւն դնել կայսրութեան և հայերի նախնական գաղտնի բանակցութիւնների ու պայմանավորվածութեան (որի մասին խոսում են Նվազրն ու Սերեոսը) և արդեն ապստամբութեան ժամանակ կնքված ու պաշտոնապէս հրապարակված հայ-բյուզանդական դաշինքի միջև (որի մասին խոսում են մյուս պատմիչները)։ Այդ տեսակետից, մեզ թվում է, իրավացի է Մ. Չամչյանը, երբ գտնում է, որ Վարդան Մամիկոնյանը Հուստինոս կայսեր մոտ երկու անգամ է դեսպանութիւն ուղարկել. մեկը՝ ապստամբութեան նախօրյակին, մյուսը՝ մարզպան Սուրենին սպանելուց հետո։ Գաղտնի բանակցութիւնների ընթացքում, անշուշտ, քննարկվել ու համաձայնեցվել են բոլոր կարևոր հարցերը, իսկ հետագայում, ապստամբութեան ժամանակ արդեն պաշտոնապէս կնքվել ու հրապարակվել է դաշինքը, որը Բյուզանդիային իրավունք է տվել որպէս ապստամբ հայերի դաշնակից՝ հանդես գալու Պարսկաստանի դեմ։

Ազբյուրների տվյալները, չնայած նրանց աղոտ ու հսկասական բնույթին, նախաւորութիւն են տալիս որոշելու հայ-բյուզանդական գաղտնի պայմանագրի կնքման տարեթիվը։ Հովհաննէս Բիկլարեցին Հայաստանի և Իրերիայի ենթարկումը Բյուզանդիային դնում է 567, իսկ Պարսկաստանի դեմ կայսրութեան պատերազմի սկիզբը՝ 571 տարեթիվերի տակ²⁵։ Չնայած այդ ժամանակագրական անճշտութեանը, երևում է, որ Բյուզանդիայի հետ նախարարների նախնական համաձայնութիւնը կայացվել է հայերի ապստամբութեանից առաջ, որովհետեւ այս ապստամբությամբ էլ փաստորեն սկսվել է պատերազմը։ Նախարարները, Նվազրի ստույգ վկայութեամբ, կայսեր մոտ դեսպաններ էին ուղարկել գաղտնի, Թեոպոլի Գրիգոր Էպիսկոպոսի աթոռակալութեան առաջին տարում²⁶։ Թեոփան Բյուզանդացու ասելով՝ Գրիգորը աթոռակալել է

²² Սերեոս, էջ 27։

²³ Նույն տեղում։

²⁴ Gr. Turonensis, էջ 174։

²⁵ Մ. Չամչյան, Պատմութիւն Հայոց, հատ. Բ, էջ 284։

²⁶ „Monumenta Germaniae historica“, t. XI, էջ 211—212։

²⁷ Еварп, էջ 256։

569 թ. սեպտեմբերից ոչ վաղ մինչև, ամենաուշը՝ 571 թ.: Հովհաննես Եփեսացին հիշատակում է Բյուզանդիային հայերի հպատակեցման երկու տարրեր տարեթվեր. ըստ մեկի՝ Արևելյան Հայաստանը կայսրությանն է հպատակվել Ալեքսանդրի էրայի 880 թ. (=569—570), իսկ ըստ մյուսի՝ ապստամբ նախարարները եկել և հանձնվել են Հուստինոս կայսրին նրա թագավորության 5-րդ տարում (=570—571) կամ Ալեքսանդրի էրայի 882 թ. (=571)²⁸: Մ. Չամչյանը գաղտնի դաշինքի տարեթիվը համարել է 570-րդ²⁹: է. Շտայնը, աղբյուրների հիշյալ տվյալների հիման վրա, գտնում է, որ Արևելյան Հայաստանի և Բյուզանդիայի միջև գաղտնի դաշնագիրը կնքվել է 570 թ. սեպտեմբերի 1-ի և նոյեմբերի 13-ի միջև³⁰: Չնայած այս վերջին տարեթիվն ընդունվել է պատմագրության մեջ, սակայն, ինչպես տեսնում ենք, այնուամենայնիվ, այն մոտավոր ու պայմանական է և նրա վերջնական ճշտման համար անհրաժեշտ են որոշակի ու արժանահավատ նոր փաստեր:

Ինչ պայմաններով էր կնքվել հայ-բյուզանդական դաշինքը: Դիմենք աղբյուրներին: Իվագրը հաղորդում է, որ հայերը «Հուստինոսի մոտ գաղտնի դեսպաններ ուղարկեցին խնդիրքով՝ ընդունել իրենց Հոռեմական կայսրության հպատակության տակ, պայմանով, որ իրենց թույլատրվեր ապստորեն, առանց որևէ արգելքի, կատարել իրենց եկեղեցական արարողությունը: Հուստինոսը համաձայնվեց դրան և, ընդունելով իրեն ուղղված գրության մեջ շարադրված մի քանի պայմանները, հաստատեց դրանք ահավոր երդումներով»³¹: Պատմիչի այս վկայությունը, սակայն, միակողմանի է և խիստ թերի. չափից ավելի նշանակություն տալով կրոնական խնդրին, նա չի բերում հայերի կողմից կայսրին ներկայացված «գրության մեջ շարադրված մի քանի պայմանները», որոնք հենց, մեր կարծիքով, կազմել են դաշինքի հիմնական բովանդակությունը և խիստ կարևոր են մեզ հետաքրքրող հարցի պարզաբանման համար:

Հայ-բյուզանդական դաշինքի մասին խիստ համառոտ, բայց վերին աստիճանի ուշագրավ տեղեկություն է հաղորդում Սերեոսը. «Իսկ առ Հայոց, — ասում է նա, — երդնոյր թագաւորն Յունաց (այսինքն՝ Հուստինոս Բ կայսրը — Վ. Ի.), և հաստատէր զնոյն ուխտ՝ որ ի մէջ թագաւորացն էր երկոցունց, երանելոյն Տրդատայ և Կոստանդիանոսի. և տայր նոցա զգաւրսն կայսերական յաւղնութիւն»³²:

Սերեոսի վերոհիշյալ վկայությունը, մեզ թվում է, լրացումն է դաշինքի մասին Սվագրի հիշյալ հաղորդածի: Պատմաբանները տարրեր կերպ են մեկնարսնել դաշինքի մասին աղբյուրներում եղած փաստերն ու հայ-բյուզանդական համագործակցությունը: Նրանց մի մասի կարծիքով՝ ըստ պայմանագրի, Արևելյան Հայաստանն ուղղակի անցնելու էր կայսրության տիրապետության տակ³³, կամ միացվելու էր նրան, երեք տարով ապատվելով ամեն տեսակի

²⁸ Иоанн Ефесский, т. 2, 113, 130, հմտ. Н. Пигулевская, Сирийские источники по истории народов СССР, т. 2, 89—90.

²⁹ Մ. Չամչյան, Պատմութիւն Հայոց, հատ. Բ, էջ 283—284.

³⁰ E. Stein, նշվ. աշխ., էջ 22—23.

³¹ Евагр., էջ 256.

³² Սերեոս, էջ 27.

³³ Մ. Ոռմանյան, Ազգապատում, Կ. Պոլիս, 1912, էջ 564, է. և ո., Հայոց պատմություն, հատ. Բ, էջ 206, և այլն:

հարկից³⁴, մինչդեռ մյուսների ենթադրությամբ՝ վերականգնվե ու էր հայոց թագավորական գահը։ Այս կարգի ուսումնասիրողներից առանձնապես աչքի է ընկնում է. Շտայներ, որի կարծիքով Կ. Պոլսում հայերին երդումով տրված կայսեր պարտավորությունը՝ պաշտպանելու և վերականգնելու Կոստանդին Մեծի և Տրդատ Մեծի միջև 314 թ. կնքված դաշինքը, ասում է այն մասին, որ մտադրություն է եղել վերականգնելու հայկական թագավորությունը և գահը հանձնելու Վարդան Մամիկոնյանին³⁵։ Դերմանական դիտնականի այս ենթադրությունը, ինչպես գտնում է ակադեմիկոս Հ. Մանանդյանը, անհավանական է և արժանի է հատուկ ուշադրության³⁶։ Ն. Ակինյանը, որն առանձին ուսումնասիրման է ենթարկել Արևելյան Հայաստանի ապստամբության պատմությունը, ընդհակառակն, գտնում է, որ Սերեոսի վկայությունը նման մեկնության հիմք ծառայել չի կարող և փաստորեն դալիս է այն եզրակացության, որ Արևելյան Հայաստանը դուրս էր գալու պարսկական տիրապետությունից և ենթարկվելու էր բյուզանդական զերիշխանությանը³⁷։ Նման մեկնարանությունը, մեր կարծիքով, հիմնավորված և համոզիչ չէ։ Միամտություն կլիներ կարծել, թե հայերն ապստամբել էին նրա համար, որպեսզի իրենց պարսկական հպատակությունը սոսկ փոխարինեն բյուզանդականով, մանավանդ, որ ինչպես հայտնի էր Արևմտյան Հայաստանի պատմական անցյալից, կայսրության տիրապետությունը ամենեին թեթև չէր պարսկականից։ Ն. Ակինյանը հետագայում ստիպված էր փոխել իր այս կարծիքը³⁸։

Այժմ աղբյուրների վկայությունների մասին։ Բյուզանդիա ունեցել է արդյոք հայկական թագավորությունը վերականգնելու մտադրություն, թե ոչ այդ մասին հնարավոր չէ որոշակի ասել, որովհետև Սերեոսի հիշյալ տեղեկությունը պարզաբանող և հաստատող որևէ այլ աղբյուր մենք չունենք։ Եթե Հուստինոս Բ-ն իրոք համաձայնվել է վերականգնել Կոստանդին Մեծի կրթած նույն դաշինքը և, ինչպես կարծում են, հայկական թագավորությունը ապա վերջինս եթե ոչ տերիտորիալ տեսակետից, գոնե քաղաքականապես պետք է լիներ Տրդատ Գ-ի նույն սուվերեն պետությունը։ Պատմիչների տեղեկությունները, սակայն, ոչ միայն չեն հաստատում Հայաստանի համար նման դրություն, այլև մեզ հանգեցնում են հակառակ եզրակացության։ Մեջ բերենք աղբյուրներում եղած համապատասխան փաստերը։ Եվագրի վկայությունից արդեն տեսանք, որ Կ. Պոլսում ապստամբ հայերը համաձայնվել էին զառնակայսրության ուղղակի հպատակներ։ Բյուզանդիա դադթածներին կայսրությունը տալիս էր բարձր աստիճաններ, շքեղ տներ, հաստատուն թագավորական ապարանքներ։ «Իսկ նրանց,—շարունակում է Հովհ. Եփեսացին,—որ (իրենց) երկրում էին (այսինքն՝ Հայաստանում—Վ. Ի.), ուղարկվեց շատ ոսկի և աստիճաններ, ինչպես նաև հոռոմների կայսեր կողմից զիջվեց երեք տարվա (հարկերը)»³⁹։ Այդ ժամկետն անցնելուց հետո, եթե Արևելյան Հա-

34 Ю. Кулаковский, История Византии, т. II, էջ 364.

35 E. Stein, նշվ. աշխ., էջ 24:

36 Հ. Մանանդյան, Ֆեոդալիզմը հին Հայաստանում, Երևան, 1934, էջ 297:

37 Տե՛ս Ն. Ակինյան, Դունոյ 572-ի ապստամբությունը, «Հանդես ամսօրյա», հունվար, 1913, էջ 70, տե՛ս նաև նույնի «Կիրոն կաթողիկոս Վրաց», Վիեննա, 1910, էջ 110:

38 Տե՛ս նրա «Նորիշ վարդապետ և իւր պատմութիւնն Հայոց պատերազմի», մաս Գ, էջ 65:

39 Иоанн Ефесский, էջ 112, 130:

շաստանը գտնվելու բյուզանդական տիրապետության տակ, կայսրությանը հարկ էր վճարելու:

Հայերի նկատմամբ կայսրության վարած հարկային այս քաղաքականությունը, մեզ թվում է, բխում էր դաշնակցային պարտավորվածությունից: Վարդան Մամիկոնյանը դրով և նվերներով դեսպանություն ուղարկելով Կ. Պոլիս, ստացվելիք բյուզանդական օգնության դիմաց կայսրին խոստացել է տալ նաև Հայաստանի այն հարկը, որ մինչ այդ վճարվել էր պարսիկներին⁴⁰: Այս կապակցությամբ վերին աստիճանի հետաքրքիր ու կարևոր է նաև Հովհաննես Բիկլարեցու վկայությունը 571 թ. ապստամբ հայերի վերաբերյալ կայսրության կայացրած պաշտոնական որոշման մասին. «Հուստինոս կայսրը, — ասում է նա, — Հայաստանն ու Իրերիան, որոնք անջատվել էին պարսիկներից հռոմեական (բյուզանդական — Վ. Ի.) նահանգ հռչակեց»⁴¹: Բյուզանդական նահանգ դարձած երկիրը, իհարկե, չէր կարող ոչ անկախ լինել և ոչ էլ, առավել ևս, թագավորություն հանդիսանալ: Կայսրը, մեզ թվում է, այդ որոշումը հրապարակել է, հիմք ունենալով հայ-բյուզանդական դաշինքը, հակառակ դեպքում հայ նախարարական ուժերը Վարդան Մամիկոնյանի ղիխավորությամբ չէին մասնակցի պարսիկների դեմ սկսված պատերազմին: Վերջապես, ավելորդ չենք համարում նաև նշելու, որ հետագայում ոչ Հուստինոսը և ոչ էլ նրա հաջորդ կայսրները փորձ անգամ չեն կատարել վերականգնելու հայկական թագավորական գահը, չնայած պատերազմի ընթացքում Արևելյան Հայաստանը հաճախակի անցել է կայսրության ձեռքը, իսկ 591 թ. պարսկա-բյուզանդական պայմանագրով նրա մեծ մասը ուղղակի միացվեց Բյուզանդիային: Ընդհակառակն, հենց Հուստինոսի և հաջորդ կայսրների ժամանակ տեղի ունեցած պարսկա-բյուզանդական հաշտության բանակցություններում, ինչպես տեսանք վերևում, կայսրությունը Արևելյան Հայաստանը դարձնում է տո և տուրի առարկա և համաձայնվում է զիջել այն պարսիկներին, միայն թիվ՝ վճարի նախկին ամենամյա դրամը:

Այս բոլոր փաստերը ցույց են տալիս, որ Բյուզանդիան ապստամբ հայերի նկատմամբ ոչ մի պայմանագրով հայկական թագավորությունը վերականգնելու պարտավորություն իր վրա ստանձնած չի եղել: Պատմական փորձը, ընդհակառակն, ցույց է տալիս, որ նա հայերի նկատմամբ վարել է պետականությունից զրկելու, թույլ ու հնազանդ վիճակում պահելու քաղաքականություն, որը եղել է տրադիցիոն և անփոփոխ: Սերեոսի մոտ հիշատակված «ուխտ»-ը ավելի շուտ ունի Պարսկաստանի դեմ ուղղված հայ-բյուզանդական սաղմազական դաշինքի հաստատման բովանդակություն (որպիսին պետք է որ եղած լիներ Կոստանդին Մեծի և Տրդատի օրոք), քան հայկական թագավորությունը վերականգնելու իմաստ:

Հանրագումարի բերելով աղբյուրների աղքատիկ ու կցկտուր տեղեկությունները, ստանում ենք հետևյալ պատկերը. Արևելյան Հայաստանն ազատվելու էր պարսկական անտանելի դարձած կեղեքումից, կամայական կառավարումից և կրոնական բռնադատությունից: Հայերը երեք տարով ազատվում էին հարկատվությունից և ձեռք բերում դավանանքի ազատություն: Այդ բոլորի դիմաց նրանք հպատակվում էին Բյուզանդիային, խոստանում հարկ վճարել

⁴⁰ Մ. Չամչյան, Պատմություն Հայոց, հատ. Բ, էջ 284:

⁴¹ „Yohannis Biclairensis chronica“, էջ 212:

ապագայում և զինվորական օգնություն ստանում կայսրությունից Պարսկաստանի դեմ: Հայաստանի արևելյան և արևմտյան մասերի վերամիավորումը թեկուզ մեկ նվաճողի՝ բյուզանդական տիրապետության տակ հույս էր ներշնչում հայերին միավորված ուժերով ավելի հաջող պայքար մղելու օտար ղերիշխանության դեմ իրենց անկախության վերականգնման համար:

Անհրաժեշտ է նշել, որ հայերի նկատմամբ կայսրության ստանձնած պարտավորությունները փոխվել են: Դեպի Հայաստան պարսկական արշավանքների ժամանակ, երբ ապստամբության ղեկավարները ապաստանում են Կ. Պոլսում, Բյուզանդիան նրանց հսկողնապետանում է նոր, դաշինքը լրացնող պարտավորություններ: Այդ մասին կարևոր ու հետաքրքրական տեղեկություն է հաղորդում Մենանդրոսը՝ «Հուստինիանոս (պետք է լինի՝ Հուստինոս — Կ. Ր.) կայսրը, — ասում է նա, — գաղթած պարսկահայերին և իբերներին երկուսով խոստացավ, որ ինքը կգործադրի իրենից կախված բոլոր միջոցները նվաճելու այն երկիրը, որտեղ նրանք են ծնվել, իսկ եթե նա բնավ ի վիճակի չլինի պատերազմ մղելու մինչև վերջ, ապա ծայրահեղ դեպքում երբեք չի հանձնի ոչ ապստամբության հանցավորներին, ոչ էլ նրանց ազգականներին, ո՛ր խոսքով նրանցից ոչ մեկին, ովքեր կցանկանային լինել հոռմեական տիրության իշխանության տակ»⁴²:

Ինչպե՞ս կատարեց կայսրությունը հայ-բյուզանդական դաշինքով ստանձնած պարտավորությունները: Սերեոսի վկայությունից երևում է, որ Հուստինոս Բ-ն ապստամբ հայերին անմիջապես ցույց է տվել զինվորական օգնություն: Ավելորդ չենք համարում պատմիչի տեղեկության այդ հատվածը մեջ բերել ամբողջությամբ. «Իսկ առ Հայոց երդնոյր թաղաւորն Յունաց, և հաստատէր զնոյն ուխտ՝ որ ի մէջ թագաւորացն էր երկոցունց, երանելոյն Տրդատայ և Կոստանդիանոսի. և տայր նոցա զգաւրսն կայսերական յաւզնութիւն: Եւ նոցա առեալ զգաւրն՝ դիմեցին ի վերայ քաղաքին Դրմայ և պաշարեալ կործանեցին ի վայր, և հալածեցին զգաւրն Պարսից որ ի նմա կային»⁴³: Բյուզանդական օգնությունը, ինչպես տեսնում ենք, տեղի է ունեցել դաշինքը կնքելուց հետո: Հայերը, կայսեր հետ պայմանագիր կնքելով, օգնական զորք են ստանում նրանից և գրավում Դվինը, որից հետո միայն ծայր են առնում պարսկական արշավանքները⁴⁴: Միխայել Ասորին ևս հաղորդում է, որ ապրստամբ հայերը բյուզանդական զորքի օգնությամբ են ջախջախել պարսիկներին. «Խոսրով թագաւորն Պարսից սկսաւ նեղել զՀայս՝ երկրպագել կրակի. և ապստամբեցին Հայք և խնդրեցին օգնութիւն ի Յուստիանոսէ զօրք և յաղթեցին պարսից և հալածեցին յաշխարհէն: Եւ առաքեաց Խոսրով առ Յուստիանոս՝ յի՛ օգնել Հայոց, և տալ հրաման դառնալոյ ի Պարսիկս և կամ տալ զհարկն»⁴⁵: Խոսրովի պահանջը նշանակում է, որ Հուստինոսը իրոք օգնել է ապստամբ հա-

⁴² Менаандр, էջ 428.

⁴³ Սերեոս, էջ 27:

⁴⁴ Սիմեոն Ապարանցի (XVI դ.). որն իր չափածո «Վիպասանության» մեջ օգտվել է Սերեոսի «Պատմության» հնազույն օրինակից, ասում է, որ Վարդան Մամիկոնյանը, սպանելով Սուրեն մարզպանին, դնում է Հուստինոս կայսեր մոտ և «Զօրօք բազմօք գայ ի Դրին»: Տե՛ս Սիմեոն Ապարանցի, Վիպասանություն սակս Պահլավունացն զարմի և Մամիկունեանցն սեռի, Վաղարշապատ, 1870, էջ 74:

⁴⁵ Միխայել Ասորի, Ժամանակագրություն, Երուսաղեմ, 1871, էջ 260:

լով, մեծ գորքով արշավել են Միհրան Միհրևանդակ նշանավոր զորավարը, Փիլիպպոս, Սիւնաց տէր»-ը, խոսքով Ա արքան, որոնք բոլորը պարտվել են ու գլխիկոր վերադարձել Պարսկաստան։ Ապստամբության ընթացքի մասին ընդհանուր առմամբ համանման տեղեկություն է հաղորդում նաև Հովհաննես Եփեսացին։ Վերջինիս ասելով մարզպան Սուրենի սպանությունից հետո Հայաստանում տեղի ունեցած արյունահեղ ճակատամարտերում «...պարսիկները շատ անդամ հաղթվեցին և նրանցից խլվեցին փղերը»⁵²։ Այս բոլորը, ինչպես տեսնում ենք, ցույց է տալիս, որ ապստամբությունը չի ճնշվել և պայքարը շարունակվել է։

Արևելյան Հայաստանում պարսիկներին ջախջախելուց հետո, երբ տեսնում են, որ Պարսկաստանի դեմ սկսվում է դաժան պատերազմ, բոլոր հնարավոր անակնկալներից խուսափելու, իրենց ու իրենց ընտանիքների համառ ապահովությունն ստեղծելու նպատակով կաթողիկոսը, շատ եպիսկոպոսներ, նախարարներ ու ազնվականներ փոխադրվում են Բյուզանդիա։ «Երբ այդ բոլորը տեղի ունեցավ,— հաղորդում է Հովհաննես Եփեսացին,— և Մեծ Հայքի ամբողջ մարզը տեսավ, որ անօրեն պարսկական պետության հետ իրենց դեմ ծագեց դժվարին պատերազմ. հավաքվեց ամբողջ քրիստոնյա մարզը։ Նրանք վախեցան և ապաստան որոնեցին քրիստոնյա պետության մոտ, ասելով. «Այսուհետև մենք քրիստոնյա պետության ստրուկներն ենք և մենք փախանք, որպեսզի թաքնվենք հոռոմների պետության մեջ՝ մոգության վայրագությունից փրկվելու համար»⁵³։ Որ ապստամբ նախարարներն իրենց ենթակա բնակչության հետ միասին ուղղակի մտել են Բյուզանդիայի հպատակության տակ, երևում է նաև այլ պատմիչների վկայություններից⁵⁴։ Ոչ մի խոսք ապստամբության ճնշման մասին։

Արևելյան Հայաստանում կազմակերպված նախարարական կանոնավոր զորագնդերը, միացած Բյուզանդական օժանդակ զորքի հետ, մասնակցում են ծայր առած պատերազմական գործողություններին։ Կայսրությունը հայ-բյուզանդական դաշինքը վերջին հաշվով ծառայեցրեց իր նվաճողական քաղաքականությանը Մերձավոր Արևելքում։ Արևելյան Հայաստանը ներքաշեց պատերազմի մեջ և այնտեղի նախարարական զինական ուժերը լայնորեն օգտագործեց Պարսկաստանի դեմ։ Հայքի ապստամբությունը կուլ գնաց պարսկաբյուզանդական պատերազմին։

Կայսրությունը շապահովեց նաև հայքի դավանանքի ազատությունը։ Նրանք, ազատվելով պարսկական կռապաշտության ճնշումից, ընկնում են բյուզանդական քաղկեդոնիկ եկեղեցու բնադատության տակ։ Ապստամբությունից քիչ հետո Կ. Պոլիս մեկնած Հովհաննես Բ կաթողիկոսը, եպիսկոպոսները, նախարարները և ազնվականները Հուստինոս կայսեր պահանջով ստիպված համաձայնվում են կայսրության հետ եկեղեցական միաբանության⁵⁵,

⁵² Иоанн Ефесский, էջ 112։

⁵³ Նույն տեղում, էջ 111։

⁵⁴ Հովհաննես Բիկլարեցի, Monum. Germ. hist., t. XI, էջ 211, հմմտ. Th. Byzant., էջ 448։ Ստեփանոս Ասողիկ, Պատմութիւն Տիեզերական, Պետերբուրգ, 1885, էջ 85. հմմտ. Մխիթար Այրիվանեցի, Պատմութիւն Հայոց, Մոսկվա, 1860, էջ 45, և այլն։

⁵⁵ Иоанн Ефесский, էջ 112։ Narratio de rebus Armeniae (տե՛ս Migne, Patrologia Graeca, t. 127, էջ 892, փոստ (տե՛ս «Православный Палестинский сборник»,

չնայած Հայաստանում չընդունվեց ու խիստ դատապարտվեց դավանական, այդ գործարքը, որը հակասում էր հայ ազգային եկեղեցու ավանդներին:

Հայ-բյուզանդական դաշինքի միակ պարտավորությունը, որը կայսրությունը ստանձնել էր և հետևողականորեն կատարեց, դա այն էր, որ Գ. Պոլսում ապաստանած ապստամբության ղեկավարներին չհանձնեց պարսիկների ձեռքը, չնայած վերջիններս համառորեն պահանջում էին նրանց՝ պարսկա-բյուզանդական սահմանում կախելու համար⁵⁶:

Պարսկա-բյուզանդական պատերազմը մեծ ավերածություններ դրոժեց ու մարդկային հսկայական զոհեր խլեց Հայաստանում: Հայերն աստիճանաբար կորցնում են պարսիկների դեմ հաղթանակի հույսը և հավատը բյուզանդիայի նկատմամբ: Նորից ծայր են առնում երկպառակությունները, և հայ-բյուզանդական համագործակցությունը թուլանում է, որից օգտվում են պարսիկները և 577 թ. աշնանը նորից գրավում ամբողջ Արևելյան Հայաստանը: Դրանով էլ վերջ է տրվում հայ-բյուզանդական դաշինքին:

АРМЯНО-ВИЗАНТИЙСКИЙ СОЮЗ ПРОТИВ ИРАНА (VI ВЕК)

В. К. ИСКАНЯН

(Р е з ю м е)

Армяно-византийский союз (570 г.) сыграл большую роль в восстании Восточной Армении против Ирана и в возникновении персидско-византийской войны (572—590).

Византийская империя, которая находилась тогда в состоянии кризиса, вошла в союз и с армянами, но отнюдь не для защиты интересов армян, а в целях разрешения своих противоречий с Ираном. Предположение ряда историков о том, что якобы империя обязалась этим союзом восстановить царскую власть в Армении (Э. Штайн, Я. Манандян и др.), по нашему мнению, следует считать неправдоподобным. Ошибаются и те исследователи, которые находят, будто Византия непосредственно не помогла армянам и что персам удалось очень скоро подавить восстание армян (К. Гютербок, Э. Штайн и др.). Империя посредством союза сумела восставших нахараров вовлечь в войну, используя их военные силы против Ирана.

т. XI, вып. 1, СПб, 1892, էջ 181—182: Արսեն Ասփաբեցի (աճ'ս Մեյրիքսեթ-Քեկ, Վրաց աղբյուրները Հայաստանի և հայերի մասին, հատ. Ա, էջ 42), Ստեփանոս Ասողիկ, էջ 85:

⁵⁶ Տե՛ս Մենандр, էջ 427, 411: